

Прошение «Спаси, Боже, люди Твоя»

Спаси, Боже, люди Твоя и благослови достояние Твое, посети мир Твой милостию и щедротами, возвыси рог христиан православных и низпосли на ны милости Твоя богатыя, молитвами всепречистых Владычицы нашея Богородицы и Приснодевы Марии: силою честнаго и животворящаго Креста: предстательства честных Небесных Сил безплотных: честнаго, славнаго пророка, Предтечи и Крестителя Иоанна: святых славных и всехвальных апостол:

иже во святых отец наших, и вселенских великих учителей и святителей Василия Великаго, Григория Богослова и Иоанна Златоустаго:

иже во святых отца нашего Николая, архиепископа Мир Ликийских и чудотворца:

святых равноапостольных Мефодия и Кирилла, учителей Словенских:

святых равноапостольных великаго князя Владимира и великия княгини Ольги:

иже во святых отец наших святителя Михаила, перваго митрополита Киевскаго, первосвятителей Московских и всея Руси Петра, Алексия, Ионы, Макария, Филиппа, патриархов: Иова, Ермогена и Тихона;

святителя Филарета Московскаго,

святителей *имярек* [местных]:

святых великомучеников Георгия Победоносца, Димитрия Солунскаго, целителя Пантелеимона и всех славных и добропобедных мучеников,

новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго: святых царственных страстотерпцев царя Николая и царицы Александры со чады их: преподобномучениц великия княгини Елисаветы и инокини Варвары:

святых *имярек* [новомучеников и исповедников местных]:

преподобных и богоносных отец наших: Антония и Феодосия Киево-Печерских, Варлаама Хутынскаго, Сергия Радонежскаго, Серафима Саровскаго, старцев Оптинских;

имярек [преподобных местных]:

святых благоверных князей: Бориса и Глеба страстотерпцев, Андрея Боголюбскаго, Александра Невскаго, Даниила Московскаго, Димитрия Донскаго,

имярек [благоверных князей местных]:

святаго праведнаго Иоанна Кронштадтскаго: святых блаженных Ксении Петербуржския и Матроны Московския:

святых *имярек* [иных чтимых местных]:

святых и праведных богоотец Иоакима и Анны:

и святых *имярек* [егоже есть храм, и егоже есть день],

и всех святых: молим Тя, Многомилостиве Господи, услыши нас, грешных, молящихся Тебе, и помилуй нас.

Молитва «Владыко многомилостиве»

Владыко многомилостиве, Господи Иисусе Христе, Боже наш, молитвами всепречистыя Владычицы нашея Богородицы и Приснодевы Марии, силою Честнаго и Животворящаго Креста, предстательства честных Небесных Сил безплотных, честнаго, славнаго пророка, Предтечи и Крестителя Иоанна, святых славных и всехвальных Апостол,

иже во святых отец наших, и вселенских великих учителей и святителей Василия Великаго, Григория Богослова и Иоанна Златоустаго:

иже во святых отца нашего Николая, архиепископа Мир Ликийских и чудотворца:

святых равноапостольных Мефодия и Кирилла, учителей Словенских:

святых равноапостольных великаго князя Владимира и великия княгини Ольги:

иже во святых отец наших святителя Михаила, перваго митрополита Киевскаго, первосвятителей Московских и всея Руси Петра, Алексия, Ионы, Макария, Филиппа, патриархов: Иова, Ермогена и Тихона;

святителя Филарета Московскаго,

святителей *имярек* [местных]:

святых великомучеников Георгия Победоносца, Димитрия Солунскаго, целителя Пантелеимона и всех славных и добропобедных мучеников,

новомучеников и исповедников Церкви Русския: Владимира, митрополита Киевскаго, Вениамина, митрополита Петроградскаго, Петра, митрополита Крутицкаго: святых царственных страстотерпцев царя Николая и царицы Александры со чады их: преподобномучениц великия княгини Елисаветы и инокини Варвары:

святых *имярек* [новомучеников и исповедников местных]:

преподобных и богоносных отец наших: Антония и Феодосия Киево-Печерских, Варлаама Хутынскаго, Сергия Радонежскаго, Серафима Саровскаго, старцев Оптинских;

имярек [преподобных местных]:

святых благоверных князей: Бориса и Глеба страстотерпцев, Андрея Боголюбскаго, Александра Невскаго, Даниила Московскаго, Димитрия Донскаго,

имярек [благоверных князей местных]:

святаго праведнаго Иоанна Кронштадтскаго: святых блаженных Ксении Петербуржския и Матроны Московския:

святых *имярек* [иных чтимых местных]:

святых и праведных богоотец Иоакима и Анны,

и святых *имярек* [егоже есть храм, и егоже есть день],

и всех святых Твоих, благоприятну сотвори молитву нашу, даруй нам оставление прегрешений наших, покрый нас кровом крилу Твоею, отжени от нас всякаго врага и супостата, умири нашу жизнь: Господи, помилуй нас и мир Твой, и спаси души наша, яко Благ и Человеколюбец.

Проскомидия
(помяновение при изъятии частиц из девятичинной просфоры)

Честнаго славнаго пророка, Предтечи и Крестителя Иоанна.

Святых славных пророков: Моисея и Аарона, Илии и Елиссея, Давида и Иессея, святых трех отроков и Даниила пророка, и всех святых пророков.

Святых славных и всехвальных апостол Петра и Павла, Андрея Первозванного, и прочих всех святых апостолов.

Иже во святых отец наших святителей:

Василия Великаго, Григория Богослова и Иоанна Златоустаго, Афанасия и Кирилла,
Николая Мир Ликийских, Петра, Алексия, Ионы, Макария, Филиппа, Иова, Ермогена, Филарета и
Тихона, Московских,
Никиты Новгородскаго, Леонтия Ростовскаго,
имярек [святителей местных]
и всех святых святителей.

Святаго апостола, первомученика и архидиакона Стефана, святых великих мучеников: Димитрия,
Георгия, Феодора Тирона, Феодора Стратилата,
и всех святых мученик.

И мучениц: Феклы, Варвары, Кириакии, Евфимии и Параскевы, Екатерины и всех святых мучениц.
Святых царственных страстотерпцев,
имярек [новомучеников местных]
и всех новомучеников и исповедников Церкви Русския.

Преподобных и богоносных отец наших:

Антония,
Евфимия, Саввы, Онуфрия,
Афанасия Афонскаго, Антония и Феодосия Киево-Печерских, Сергия Радонежскаго, Варлаама
Хутынскаго, Серафима Саровскаго, старцев Оптинских,
имярек [преподобных отец местных]
и всех преподобных отец.

И преподобных матерей: Пелагии, Феодосии, Анастасии, Евпраксии, Февронии, Феодулии,
Евфросинии, Марии Египтяныни,
имярек [преподобных матерей местных]
и всех святых преподобных матерей.

Святых и чудотворцев безсребреник, Космы и Дамиана, Кира и Иоанна, Пантелеимона и Ермолая, и
всех святых безсребреников.

Святых и праведных богоотец Иоакима и Анны,
и святаго *имярек, [егоже есть храм и егоже есть день]*.
святых равноапостольных Мефодия и Кирилла, учителей Словенских,
святых равноапостольных великаго князя Владимира и великия княгини Ольги,
святых благоверных князей Бориса и Глеба, Андрея Боголюбскаго, Александра Невскаго, Даниила
Московскаго, Димитрия Донскаго,

имярек [благочестивых князей местных]

и всех святых, ихже молитвами посети ны, Боже.

Иже во святых отца нашего Иоанна, архиепископа Константинопольскаго, Златоустаго.

[Аще же поется литургия Великаго Василия, того поминает: иже во святых отца нашего Василия Великаго, архиепископа Кесарии Каппадокийския.]